





PLAN DE CONTINXENCIA



O **Plan de Continxencia** do C.E.I.P. Alfonso D. Rodríguez Castelao ten por **finalidade** establecer os procesos para o **reinicio da actividade académica presencial no caso de que se teña interrompido** a suspensión da actividade lectiva como consecuencia da aparición dun abrocho que supoña o cese da actividade presencial nun aula, nunha etapa educativa ou na totalidade do centro.

ACTUACIONES PREVIAS
DIANTE DA
APARICIÓN DUN
ABROCHO



1. Non asistirán ao centro aqueles estudantes, docentes e outros profesionais que teñan síntomas compatibles con COVID-19, así como aqueles que se atopen en illamento por diagnóstico de COVID- 19, ou en período de corentena domiciliaria por ter contacto estreito con algunha persoa con síntomas ou diagnosticada de COVID-19.

2. Diante dunha persoa que desenvolva síntomas compatibles con COVID-19 no centro educativo seguirase o protocolo de actuación do centro previamente elaborado:

- Colocaráselle unha máscara cirúrxica, levaráselle á sala de Covid destinada ao efecto ata a recollida por parte da familia. Esta disporá de adecuada ventilación, xel hidroalcohólico e papeleira con tapa de pedal. Será necesario contactar coa persoa responsable do manexo da Covid-19 no centro educativo e cos familiares ou titores legais.
- A persoa do Equipo COVID que acompañe ao caso sospeitoso deberá levar o material de protección adecuado:
 - máscara cirúrxica, se a persoa con síntomas a leva.
 - de forma excepcional e no caso específico de que o/a alumno/a teña unha exención para o uso da máscara por xustificación médica ou é menor de 6 anos e non usa máscara, a persoa acompañante usará máscara FFP2 sen válvula (KN95), ademais dunha pantalla facial e unha bata desbotable. Na eventualidade de que non houberse dispoñibilidade de máscaras KN95, poderá utilizarse unha máscara cirúrxica xunto coa obrigatoriedade da utilización da pantalla.

Se coincidisen no tempo máis dun caso con sintomatoloxía compatible coa Covid-19, os restantes casos agardarán acompañados por un segundo membro do Equipo COVID no porche cuberto anexo ó Ximnasio. A persoa que utilice a FFP2 deberá estar formada na utilización dos equipos de protección individual e no seu refugallo.

O centro contará cun stock deste material para as situacións nas que se requira para a atención dun caso sospeitoso.

3. Débese chamar ao centro de saúde de Atención Primaria de referencia, ou ao teléfono de referencia do SERGAS e seguiranse as súas instrucións. En caso de presentar síntomas de gravidade ou dificultade respiratoria chamarase ao 061. O traballador que inicie síntomas debe abandonar o seu posto de traballo protexido por máscara, e logo de seguir as instrucións do centro de saúde ata que a súa situación médica sexa valorada por un profesional sanitario.

4. No suposto da aparición dun caso, ou dunha sospeita, tanto sexa do alumnado, profesorado ou persoal do centro, a persoa coordinadora do equipo formado na COVID-19 a petición dos servizos de saúde a través de EduCOVID, incluírá na aplicación informática a información prevista do eventual afectado/a relativa aos contactos estreitos, dos compañeiros/as afectados/as e do seu profesorado, así como de quen sexa persoa próxima vencellada ao centro educativo.

Antes da carga de datos na plataforma, será de obrigado cumprimento consultar co Servizo de Epidemioloxía da Xefatura Territorial da Consellería de Sanidade de Pontevedra, a través de correo electrónico ou teléfono. Este servizo dará as oportunas indicacións á coordinadora do Equipo COVID-19 para a carga de datos.

5 A familia dun neno ou nena con sospeita de contaxio, deberá solicitar unha consulta telefónica co seu pediatra para que este avalíe a necesidade de solicitude dun test diagnóstico. Se non houberse cita para ese mesmo día, acudirá ao PAC para a valoración polo médico de atención primaria.

6. Tras a aparición dun caso diagnóstico da Covid 19 seguiranse as recomendacións da Xefatura Territorial de Sanidade, sendo posible que teña que estar illada unha parte do centro e mantendo o funcionamento do resto da forma habitual en función do número de contactos identificados en cada abrocho.

7. A autoridade sanitaria, en coordinación coa Consellería de Educación a través do Grupo de Coordinación e Seguimento da Pandemia determinará en cada caso o número de persoal e alumnado afectado e a duración das medidas de corentena, o que se comunicará ao equipo COVID do centro para a súa

comunicación á comunidade educativa, sen prexuízo da información que sexa facilitada pola autoridade sanitaria.


8. A autoridade sanitaria, en función do número de contaxios, poderá ordenar o peche dunha ou varias aulas, dun nivel educativo ou do centro educativo na súa totalidade de conformidade con seguintes supostos:

- A aparición dun único caso confirmado nunha aula poderá supoñer a entrada en corentena da totalidade do grupo que conforma a aula e o do profesorado asignado a ese grupo.
- Cando exista unha detección de 3 casos positivos confirmados nos últimos 7 días poderase acordar a medida do peche do nivel educativo completo onde xurdira o abrocho ou, de ser o caso, da totalidade do centro educativo.

9. A aparición dun contaxio sospeitoso con posterior confirmación é un suposto de declaración obrigatoria que implicará por parte da autoridade sanitaria a obriga de entrada en corentena de polo menos 10 días a todas as persoas que teñan a consideración de contacto próximo.

10. A suspensión da actividade lectiva presencial suporá a aplicación das normas previstas no presente protocolo relativas ao ensino a distancia. Aos efectos de determinación do nivel de risco a autoridade sanitaria poderá volver a avaliar o pase ao nivel de riscos NR 2 para os supostos de consideración de vulnerabilidade e de cualificación de persoal sensible.

ACTUACIONES PARA O
PERÍODO DE
ACTIVIDADE
LECTIVA NON
PRESENCIAL



1. O ensino non presencial será impartido polo profesorado ordinario do alumnado a través da aula virtual de cada grupo. O profesorado realizará o seguimento do alumnado impartindo os coñecementos da materia de xeito virtual a través dos contidos dispoñibles ben achegados polo propio profesor ou ben os que poña a disposición a Consellería. Igualmente o profesorado poderá poñer tarefas ao alumnado que reforcen o contido da materia ou a avaliación continua da mesma.


2. O equipo COVID do centro identificará ao alumnado que teñan dificultades de conexión ou falta de equipamento para que a consellería adopte as medidas oportunas que minimicen as eventuais dificultades da educación realizada por medios telemáticos.

3. Para cada caso concreto de suspensión da actividade lectiva presencial a Consellería poderá adoptar as medidas oportunas en relación cos períodos ordinarios de avaliación do alumnado cando coincidan co tempo de suspensión.

4. Durante o período de suspensión da actividade presencial o centro educativo ten previstas as seguintes medidas:

- a) Seguimento persoal por parte do titor/orientadora/equipo directivo da situación do alumnado illado e das súas familias: situación persoal, estado de ánimo, medios tecnolóxicos, dificultades que atopan...
- b) Esta comunicación poderá realizarse a través dos medios que se consideren máis axeitados en cada circunstancia: telefónicos, abalarmóbil, mensaxería da aula virtual, videoconferencia...
- c) Seguimento das clases a través da Aula Virtual para todos os niveis educativos. En Educación Infantil poderá empregarse o blog de ciclo, pero o acceso deberá realizarse a través da Aula Virtual.
- d) Traballo globalizado nas Aulas Virtuais, con proposta de tarefas quincenais.

**MEDIDAS PARA O REINICIO
DA ACTIVIDADE
LECTIVA
PRESENCIAL**



1. Finalizado o período de peche presencial da aula, nivel educativo ou centro realizarase un proceso de reactivación por fases para o reinicio da actividade lectiva. As fases establecidas para a reactivación son orientadoras, existindo a posibilidade de modificar tanto a súa duración como a porcentaxe dos alumnos incluídos en cada fase. O modelo a aplicar correspóndelle á Consellería de Educación co asesoramento da Consellería de Sanidade.

2. Sen prexuízo das medidas xenéricas establecidas no protocolo aprobado polas consellerías de Educación e Sanidade o centro ten previsto as seguintes fases de reincorporación:

Fase 1 (Adecuación dos espazos)

- **Duración:** Unha semana.
- **Actuacións a desenvolver:** O equipo COVID do centro será quen estableza as actuacións a desenvolver, en colaboración coas autoridades sanitarias e educativas.
- **Obxectivos:**
 - Análise da situación dos espazos e as súas necesidades.
 - Distribución do espazo, cunha distancia entre pupitres de máis de 1 metro.
 - Redefinición dos circuitos de circulación interna.
 - Reorganización das quendas de recreo.
 - Reorganización das quendas de comedor.

Fase 2 (Formación de pequenos grupos)

- **Duración:** 1 semana
- **Porcentaxe simultánea de alumnos na aula:** 30%
- **Obxectivos:**
 - Formar aos alumnos na importancia das medidas de distanciamento físico, utilización de máscara e de hixiene de mans.
 - Definir os obxectivos a cumprir pola aula para pasar de fase.
 - Utilización dos espazos e circulación dos alumnos polos corredores do centro.
 - Formar ós alumnos nas medidas de distanciamento físico no recreo.
 - Informar ós alumnos das novas normas derivadas da pandemia no SARS-COV-2.

Fase 3 (Reforzo das medidas aprendidas en pequenos grupos)

- **Duración:** unha semana
- **Porcentaxe simultánea de alumnos na aula:** 60%
- **Obxectivos:**
 - Establecemento de criterios claros de entrada e saída dos alumnos de forma progresiva.
 - Continuación das medidas aprendidas na fase 2 cun número maior de alumnos.

Fase 4 (Fase de reactivación)

- **Duración:** unha semana
- **Porcentaxe simultánea de alumnos na aula:** 100%, se fose posible manter dentro da aula 1 metro de distancia física.
- **Obxectivos:**
 - Reforzo e fomento de hábitos aprendidos.
 - Disposición en puntos estratégicos de información visual clara para os alumnos.
 - O recreo e a comida será realizada en dúas ou tres quendas.